



" IRUÑEKO GAZTEENDAKO LITERATUR LEHIAKETA. 2019. URTEA "

Iruñeko Udalak "2019ko IRUÑEKO GAZTEENDAKO LITERATUR LEHIAKETArako" deia egiten du, norgehiagokako araubidean, Iruñeko Udalaren Diru-laguntzei buruzko Ordenantza Orokorrak (2006ko 21. Nafarroako Aldizkari Ofizialean argitaratua, otsailaren 17koan) xedatzen duenarekin bat.

1.- XEDEA.-

IRUÑEKO GAZTEENDAKO LITERATUR LEHIAKETA. 2019. URTEA:

Bizitokia edo ikastetxea Iruñean duten gazteek egindako literatur lanik hoberenak saritzea da lehiaketaren helburua. Egileek lan bana aurkezten ahalko dute modalitate bakoitzeko. Idazlanek gai librea izanen dute –gaztelaniaz edo euskaraz idatzita–, eta jatorrizkoak eta argitaratu gabeak izan beharko dute. Lan bera ezin izanen da bi hizkuntzetan aurkeztu. Aurkeztutako lanek ezin izanen dute ez bultzatu ez erreproduzitu jarrera baztertzaila, xenofobo edota sexistarik, ezta pertsonen duintasunaren eta giza-eskubideen kontra doazenak.

2.- SARI-MODALITATEAK.-

Hona hemen sari-modalitateak:

Poesia eta Narrazio laburra dira bi sari-modalitateak, bai gaztelaniaz bai euskaraz, eta horietako bakoitzean bi kategoria ezarri dira:

14 eta 16 urte bitarteko gazteak (biak barne), eta 17 zein 18 urtekoak (biak barne).

Hona hemen lanek izan beharko duten luzera:

Poesia: 14 bertso gutxienez, eta 40 gehienez.

Narrazio laburra: 2 orri gutxienez, eta 5 gehienez, alde bakar batetik eta lerro artean tarte bikoitza utzirik idatziak.

3.- DIRU-ZUZKIDURA.-

Deialdi honi, gehienez ere, 8.800 euro esleituko zaizkio sarietarako, Udalaren Aurrekontuko honako partida honen kargura:
80/33702/480000

Honako sari hauek ezarri dira, 2. klausulan adierazitakoaren arabera:

Hiru sari eta bi accesit aurreikusita daude modalitate (poesia eta narrazio laburra) eta kategoria (14 urtetik 16ra eta 17tik 18ra) bakoitzeko eta hizkuntza bakoitzeko (gaztelania eta euskara), honako diru-zuzkidurekin bat:

Lehen saria: 500 euro.

Bigarren saria: 250 euro.

Hirugarren saria: 150 euro.

Accesitak: 100 euroko bi sari.

Sariei esleitutako diru-kopuruei dagokien atxikipena aplikatuko zaie, PFEZ dela medio.



4.- HAUTAGAIEN BETEKIZUNAK.-

Lehiaketa honetan, bizitokia edo ikastetxea gaur egun Iruñean duten gazteek hartzen ahal dute parte. 14 eta 16 urte bitarteko kategorian, 14 urte beteta eta 17 urte baino gutxiago izan beharko dute lanak aurkezteko mugaegunean. 17 eta 18 urteko kategorian, 17 urte beteta eta 19 urte baino gutxiago izan beharko dute lanak aurkezteko mugaegunean.

Iruñeko Udalaren Diru-laguntzei buruzko Ordenantza Orokorren 10. artikuluan xedatutakoarekin bat, laguntza hauen izaera berezia dela-eta onuradunei aplikagarri zaizkie arau horretan ezarritako debekuak:

☐ BAI ☒ EZ

5.- ESKABIDEAREKIN BATERA AURKEZTU BEHAR DIREN AGIRIAK, ZEIN EPETAN ETA NON.

PARTE-HARTZAILEEK LAN BAKOITZEKO BOST KOPIA AURKEZTUKO DITUZTE GUTUN-AZAL ITXI BATEN BARRUAN, IZENORDE BATEKIN SINATURIK ETA KOPIA BAKOITZEAN LEHIAKIDEAREN ADINA ADIERAZITA. GUTUN-AZALAREN KANPOKO ALDEAN, HONAKO TESTU HAU IDATZI BEHAR DA:

IRUÑEKO GAZTEENDAKO LITERATUR LEHIAKETA. 2019. URTEA.

HIZKUNTZA:

MODALITATEA:

LANAREN IZENBURUA:.....

EGILEAREN IKURRITZA EDO EZIZENA:

EGILEAREN ADINA:

GUTUN-AZAL HORREN BARNEAN BESTE GUTUN-AZAL BAT SARTUKO DA, ITXITA ETA KANPO ALDEAN EGILEAREN IZENORDEA IDATZITA, ETA HORREN BARNEALDEAN ORRI BAT, EGILEAREN DATU HAUEK ADIERAZITA: IZENA ETA BI ABIZEN, HELBIDEA, TELEFONOA ETA IKASTETXEA. EZ BADIRA EGILEAREN DATUAK BEHAR BEZALA EMATEN, LANA EZIN IZANEN DA LEHIAKETAN ONARTU.

Lanak helbide honetara bidali behar dira:

Iruñeko Gaztediaren Etxea (Zangoza k. 30)

Halaber, beste edozein bide erabiltzen ahalko da lanak aurkezteko, Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikulua aurreikusten dituen arteen.

Lanak aurkezteko epea deialdi honen laburpena Nafarroako Aldizkari Ofizialean argitaratzen den unetik aurrera hasiko da, eta 2019ko apirilaren 30ean amaituko.

Saririk jasotzen ez duten lanak Udalaren bulegoetan berreskuratzen ahalko dira, ebazpena argitaratu eta bi hilabeteko epean. Epe hori igarota, Udalak suntsitzen ahalko ditu jaso ez diren lanak, betiere ebazpenaren kontrako errekurtsorik aurkeztu ez bada.

6.- EPAIMAHAI A.-

Epaimahaia Iruñeko Udalak izendatu du, eta honako hauek osatuko dute:

- Epaimahaiburua
- Epaimahaikideak:
- Idazkaria:

Gaztelaniazko lanetarako:



- Epaimahaiburua: Iruñeko Udaleko Komunitate Garapeneko zinegotzi ordezkaria / Ordezkoa: Iruñeko Udaleko Komunitate Garapeneko zuzendaria.
- Epaimahaikideak: Hizkuntza eta Literaturako bi irakasle, literaturan aditu bat eta Gazteriako teknikari bat.
- Idazkaria: Gaztediaren Etxeko zuzendaria.

Euskarazko lanetarako:

- Epaimahaiburua: Kultura eta Hezkuntzako zinegotzi ordezkaria / Ordezkoa: Kultura eta Hezkuntzako Alorreko zuzendaria.
- Epaimahaikideak: Hizkuntza eta Literaturako bi irakasle (Kultura eta Hezkuntzako Alorrak proposatuak), literaturan aditu bat eta Euskarazko Kultur Jardueretako teknikaria.
- Idazkaria: Kultura eta Hezkuntzako Alorreko administrari bat.

Saria emateko proposamena organo eskudunari aurkeztuko zaio, hau da, Iruñeko Udaleko Komunitate Garapeneko zinegotzi ordezkariari, horrek sariak ematearen gainean ebatz dezan. Modalitate guztietan, edozein sari eman gabe uzten ahalko da, baldin eta epaimahaiaren iritziz ezein lanek ez badu behar adinako meriturik edo kalitaterik.

Epaimahaiak accesiten bat proposatzeko aukera: ☒ BAI ☐ EZ

Epaimahaiak proposatu ahal izango du modalitate, hizkuntza eta kategoria bakoitzeko bi accesit ematea, bakoitza 100 eurokoa.

Epaimahaiak eman gabe uzten ahalko ditu aurreikusitako sariak oro edo horietako batzuk.

7. DATU PERTSONALEN TRATAMENDUA.-

Iruñeko Udala da arduradun botere publikoez baliatuz diru-laguntza kudeatzeko eta saria emateko xedez erabiliko diren datu pertsonalez. Ez da daturik lagako legeak hala aginduta izan ezik. Eskubidea duzu datuetan sartzeko, datuak zuzentzeko –zuzenak ez badira– eta horiek ezabatzeko Erregistro Orokorrera (Kale Nagusia 2, 31001, Iruña) edo egoitza elektronikora joaz. Datuen tratamendu-zerrenda eta informazio osagarria www.pamplona.es webgunean kontsultatu ditzakezu.

Sari-banaketaren irudiak Udalaren webgune korporatiboan eta sare sozialetan argitaratu daitezke, eta hedabide ezberdinetan zabaltzeko daitezke.

8.- EBATZI ETA JAKINARAZTEKO EPEA.-

Ebatzi eta jakinarazteko epea sei hilabetekoa izanen da, gehienez ere. Epea deialdi honen laburpena Nafarroako Aldizkari Ofizialean argitaratu eta hortik aitzina hasiko da kontatzen.

Instrukzio-organoa lehiaketa hau kudeatzen duen Alorreko Idazkaritza Teknikoa izanen da.

Sariak emateko ebazpenak amaiera emanen dio administrazio-bideari, eta eskatzaileei jakinaraziko zaie, urriaren 1eko Administrazio Publikoen Administrazio Prozedura Erkidearen 39/2015 Legean aurreikusitakoarekin bat.

Ebazpena argitaratzeko beharra: ☒ BAI ☐ EZ

Baiezkoa bada, non argitaratu:

Iruñeko Udalaren Iragarki-taulan eta Diru-laguntzen Datu-base Nazionalean.

9.- KONTUAN HARTU BEHARREKO BESTE BATZUK.-



Saridunek sari-banaketako ekitaldira joan beharko dute. Lehiaketan parte hartzeak berekin ekarriko du sarrera libreko argitalpenak egiteko eskubideen lagapena onartzea, Creative Commons Reconocimiento - NoComercial - SinObraDerivada (by-nc-nd) lizentziapean, saririk jasoz gero.

5. klausulan adierazitakoa gorabehera, saritu gabeko lanak berreskuratzen ahalko dira Iruñeko Udaleko Gazteendako Argibide Bulegoan, Gaztediaren Etxean.

Halaber, ekimenak abiatzen ahalko dira lanen berri emateko, haietan irabazleek ere parte hartzen ahal dutelarik, betiere horiek eta Udala elkarrekin ados jarrita.

10.- ERREKURTSOAK.-

Lehiaketan parte hartzeak berekin dakar parte-hartzaileek oinarriak onartu eta haiei men egitea.

Lehiaketa honen garapenaren eta oinarri hauen interpretazioaren inguruko gatazka oro organo emaileak ebatziko du.

Deialdi honen, oinarri hauen eta haiek betearazteko har daitezkeen administrazio-ebazpenen aurka errekurtsio hauek paratzen ahalko dira, aukeran:

- Berraztertze errekurtsioa, administrazio-egintzaren egile den udal-organismoari zuzendua, hilabeteko epean, errekurritzen den egintza jakinarazi edo, bestela, argitara eman eta biharamunetik aitzina.
- Gora jotzeko errekurtsioa, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratu eta hortik aitzina.
- Administrazioarekiko auzi-errekurtsioa, Iruñeko Administrazioarekiko Auzien Epaitegiari zuzendua, bi hilabeteko epean. Epe hori errekurritzen den egintza jakinarazi edo argitaratu eta biharamunetik aitzina kontatuko da.